

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 02/12-45-27165/22
Sarajevo, 23.02.2023. godine

Na osnovu člana 70. stav 1. Zakona o javnim nabavkama ("Službeni glasnik", br. 39/14 i 59/22) i člana 26. Pravilnika o javnim nabavkama roba, vršenju usluga i ustupanju radova, br. 02/12-45-712/23 od 12.01.2023. godine, u predmetu javne nabavke "Nabavka i isporuka vozila za potrebe policijske uprave Novi Grad Sarajevo" u Otvorenom postupku javne nabavke, objavljenom u Službenom glasniku BiH, br. 1/23 i Portalu javne nabavke, br. 422-1-1-278-3-255/22 od 29.12.2022. godine, na preporuku Komisije za javne nabavke roba i usluga, Općinski načelnik, donosi

ODLUKU

1. Prihvata se ponuda ponuđača PORSCHE INTER AUTO BH d.o.o. Sarajevo, sa ponudom u iznosu od 51.777,44 KM bez PDV-a odnosno, 60.579,60 KM sa PDV-om, u predmetu javne nabavke "Nabavka i isporuka vozila za potrebe policijske uprave Novi Grad Sarajevo" u Otvorenom postupku, objavljenom u Službenom glasniku BiH, br. 1/23 i Portalu javne nabavke, br. 422-1-1-278-3-255/22 od 29.12.2022. godine, shodno članu 64. stav 1. tačka b. Zakona o javnim nabavkama.

2. Zadužuje se Služba za zajedničke poslove da obavjesti učesnike u Otvorenom postupku javne nabavke o donošenju Odluke o dodjeli ugovora.

3. Zadužuje se izabrani ponuđač da dostavi ovjerene kopije uvjerenja iz člana 45. – 47. Zakona o javnim nabavkama i ovjerenu kopiju Izvještaja o računima poslovnog subjekta Centralne banke BiH u roku od 5 dana po prijemu ove Odluke.

4. Protiv ove Odluke dozvoljena je žalba u roku od 10 dana od dana prijema iste.

Obrazloženje

Postupak javne nabavke – nabavke "Nabavka i isporuka vozila za potrebe policijske uprave Novi Grad Sarajevo" ,pokrenut je Odlukom o pokretanju postupka javne nabavke u skladu sa članom 18. Zakona o javnim nabavkama, u Otvorenom postupku javne nabavke, objavljenom u Službenom glasniku BiH, br. 1/23 i Portalu javne nabavke, br. 422-1-1-278-3-255/22 od 29.12.2022. godine.

Izvještajem i preporukom Komisije za javne nabavke, utvrđeno je sljedeće:

- Da je Zapisnikom sa otvaranja ponuda od 20.01.2023. godine, konstatovano da su zaprimljene dvije ponude:

1. GUMA M d.o.o. Mostar, sa ponudom u iznosu od 60.999,12 KM sa PDV-om,

2. PORSCHE INTER AUTO BH d.o.o. Sarajevo, sa ponudom u iznosu od 60.579,60 KM sa PDV-om,

- Da je Komisija detaljnom analizom pristiglih ponuda, odnosno dokumentacije kojom su ponuđači dokazali svoje kvalifikacije za učešće u ovom postupku, utvrdila da:

- dostavljena ponuda ponuđača PORSCHE INTER AUTO BH d.o.o. Sarajevo ispunjava uslove specificirane u tenderskoj dokumentaciji, te da je ista računski ispravna,

- da ponuda ponuđača GUMA M d.o.o. Mostar ne ispunjava uslove specificirane tenderskom dokumentacijom i to iz tačke 4.2. Sadržaj ponude - pod 4.2.1. pod (9) „Katalog, tehnička specifikacija ili tehnički opis proizvoda koji se nudi i kojim se mogu dokazati sve karakteristike tražene tenderskom dokumentacijom i koji mora biti na jednom od službenih jezika u BiH“

Naime, iz dostavljene ponude nije moguće utvrditi sve tehničke karakteristike vozila zahtjevano tenderskom dokumentacijom, obzirom da ponuda ne sadrži Tehničku specifikaciju ponuđenih vozila, iako je ista navedena u popisu dokumenata koji se dostavljaju uz ponudu, pod rednim broj 6. Aneksa 2 Tenderske dokumentacije, u dijelu „Popis dostavljenih dokumenata, izjava i obrazaca sa nazivima istih“ (stranica 11 ponude).

Također, iz Kataloga koji čini sastavni dio ponude, ne mogu se utvrditi sve tehničke karakteristike zahtjevano Aneksom 3 tenderske dokumentacije, obzirom da Katalog sadrži podatke o karakteristikama više tipova/modela vozila, a ponuđač u Aneksu 3. tenderske dokumentacije nije popunio tražene podatke u koloni označenoj kao „TIP VOZILA“, kako bi komisija prilikom evaluacije mogla utvrditi da li ponuđeni tip vozila odgovara traženim karakteristikama.

Iz navedenih razloga njegova ponuda se odbacuje kao neprihvatljiva.

Obzirom da se radi o Otvorenom postupku javne nabavke, objavljenom u Službenom glasniku BiH, br. 1/23 i Portalu javne nabavke br. 422-1-1-278-3-255 /22 od 29.12.2022. godine, da su dostavljene dvije ponude od kojih jedna ponuda ispunjava uslove specificirane tenderskom dokumentacijom, to na Preporuku Komisije za javne nabavke roba i usluga, shodno članu 64. stav 1. tačka b. Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove Odluke dozvoljena je žalba u roku od 10 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

DOSTAVITI:

1. Služba za zajedničke poslove
2. U spis



Općinski načelnik

mr. Senin Efendic